

青州府志卷二十三

考二

形勝考

易曰天險不可升也地險山川邱陵也又曰王公設險以守其國險之時義大矣哉後世形家者流所由作也其事於兵家爲尤急詰戎明民未有不審乎是以爲軌度者也近方志言形勝者則不然誇山川之雄奇侈城郭之壯麗豔爲駢語飾過其實支邑下縣各據一說以爲一而一郡之大勢古今之經度反混然弗見焉今統一郡之全局觀之首明築城畫邑之義而標其扼塞與道路之廣狹郵

青州府志卷二十三

一

驛之遠近以明防守之要興師餽運進退之宜終之以海防安不忘危未雨綢繆詩人之旨其不遠乎自西北而迤南南而東東而北北而迤西環衛郡城足以自固洋洋表海地利然也合道里表兵防志觀之庶亦於設險守國之義爲有裨云

府城古南陽城也其地倚山俯澗基址壯濶雉堞排密積穀屯兵可容十萬所謂天府之國古王伯所爭都山東之地以青州爲根本濟南爲門戶此言非虛論也文武之長並處而理建官守土得其大矣

東城距府北里餘遺趾陂陁不足據也然控帶闐闐巷

陌歧出千軍之伏出奇制勝可以挫遠寇猝至之鋒振先聲奪人之氣此在善用其民者臨時制不泥一旨也滿洲駐防城總督田文鏡之奏謂因東陽舊址當事者以爲逼狎府城治兵牧民恐互有所擾更北五里擇高原而爲之城周六里高僅丈餘登陴四顧隣邑支縣皆若建瓴而下禁旅若干人分旗而駐設官副都統以下驍騎校百有餘人城南置宣武之榭以時訓練其衆師武臣力踞郡城之上游無事則常爲輔車之依有事則拊其背而扼其吭杜禍亂於未萌禁邪謀於弗發經國謀如斯而至臨淄城地居平原距府城西北五十里太公田常劉肥建

青州府志卷二十三

二

都之地曹氏竊國以封愛子植幾於奪嫡雖當時未令之國蓋亦以爲名區也自曹疑以爲平行難守不可以禦亂世東徙而築廣固臨淄遂爲下邑然不可不謂益都唇齒之國也今城周若干里高若干丈可容數萬家貯穀集衆足以固郡兵駐防之師朝發夕至其南十五里爲淄水深沙淺流不爲險要然霖雨時集迅流浮岸漂石蕩沙擊人脛深不過數尺人馬舟楫皆弗能渡郵遞輒斷兩岸寬可十里數十萬衆於斯可陳其東淄河店雖當孔道村落小聚爲據其數里爲安樂店古名遼慈殿途徑側狹車不可不足以騎卒重之車非是

莫由是亦防守之要地也

金嶺鎮距府城七十里益都之西境也地當濟青通衢地勢廣濶閭閻相接者五里餘人物繁盛食貨充溢縣丞治所分駐於此東西置關門郭郭畧具一旦有事畚缶雲集高壑深溝數日可成誠一郡之西屏也

博山城距府城西南一百八十里舊顏神鎮也明設督捕同判永樂間蒲臺妖婦唐賽兒據以作亂再用兵始平蓋西南控沂州山川迴複明時嘗爲逋逃藪我

朝雍正時於此置縣盜賊始稀西南青石關爲西南總道山路崎嶇北三百里直達臨淄左氏申解虞出奔入弇中

青州府志卷二十三

三

者也尤一縣扼要沂州莠民往往入青萊爲盜勿以其僻遠而忽之

臨朐城距府城南四十里道路平坦正南阻斤山鮮通路穆陵關居其東南卽宋書所稱大峴山公孫五樓請據以拒宋慕容不從劉裕旣入關以爲大險旣度土有必死之志虜已入吾掌中者是古鉅防長城門戶之地元明以來并設巡檢司青州南陲之險此爲最著今關隘失修承平旣久守土之吏或奔奏郡城不駐其地宜設關扉爲啓閉以備不虞勿謂古今之勢異也

安邱城距府城東南一百六十里在穆 東山谿之險

環乎西南車馬不通其東南通諸城 昌樂而後西入  
益都聯絡聲援頗爲迂迴蓋由府城 之其險在內不在  
外也

諸城城距府城東南二百八十里闔 宏壯東漢爲琅邪  
郡治唐宋迄元密州治所皆在焉漢張步起兵於此元劉  
興祖聚衆烽火山數載而後平其地肥饒山海環阻爲青  
州之南障獨雄一方治世頗多人材亂世恒爲用武之地  
古稱東武非虛語也府境形勝與益都相埒並峙者惟此  
縣爾

府城之東有巨瀾口耿弇敗張步處東北有張孟口路頗

險要謂之府東南北二路南路由府北路由北城北也

昌樂城距府城東七十里地據通衢爲府之東屏其西以  
堯溝爲巨鎮塹堦雄饒遜於金嶺又距城僅十五里故未  
足多也東鄙道險只可通車騎軍行輜重則須由壽光界  
繞臨淄以達濟南

壽光城距府城東北七十里地勢平行城東北王汪稻田  
爲萊濰赴京通道其北界海廣斥沮洳馬足弗通與諸城  
形勢異矣壽樂營之設惟以弭盜賊 閭閻爲青州駐防  
掎掬之助而已非重鎮也

樂安城距府城北九十里其南草橋爲萊濰赴京通衢其

北屆海與壽光同壽樂二邑在漢

國治所北海

郡治自孔融南移今濰縣地樂安國治自晉魏北移明改武定州今之惠民特爲青州水道下游所歸非形勝所在矣

博興城距府城北百三十里城東閻家坊爲萊濰赴京孔道城南支脈小清二水爲一邑之險柳橋爲青武二府往來通衢亦府城北障也其水深廣無幾未必足限戎馬西南馬踏湖水廣濶非方舟不渡用武之際宜防堰遏患高苑城距府城西北百六十里城小而地邊遠無可據之形惟城西軍張壩踞支脈上游高與博興城樓齊決則高

青州府志卷二十三

五

博樂三邑罹其害不可不防